

图 12

841

三家醫案

善伯



三家醫案者葉天士布衣薛生白徵君繆宜亭進士
所作也青囊一肩紫書三卷盡公術妙獺女神奇其居
帶下之名自獲肘後之秘變金液於六一改銀丸於
七丹砂玉札待用無遺牛溲馬勃收藏不棄盛以竹節
量以刀圭赤箭刷於雲根紅鹽拂於竈上明珠恥其價
金鏡慚其形杏林之樹以董奉而益珍橘井之泉非蘇
耽其誰鑒遊刃恢乎奏刀騞然無枝經肯綮之憂得批
卻導窾之要今雖扁盧已杳和緩云遙郭玉之鍼靡傳

淳意之經失授而問秘書於金匱鼠跡猶存抄禁方於
龍宮蠹蝕未盡儻不搜之石室鑄以玉版則桃膠莫附
金漿遂漓安能喚三折之肱起一抔之土續已斷之緒
絃補久亡之笙詩乎此驚湖 吳子音先生所以有
刻之選也 先生以民胞爲懷婆心救世赤餅胸納青
芝手採五行精理六氣辨淫心源接俞跗之傳意學探
允宗之妙歲活人以萬計日捫心無一疵固已嚴州道
上爭頌桐君成都市中惟尋韓伯矣乃當夫春雨初過

藥苗微香花拂簾垂茗熟爐沸茶烟鼻於帳後硯雲起
於池中簾滑甌甘窓疏几淨爰翻玉軸檢牙籤考陰陽
之和按升沈之度攻必勝理位必君臣總思邈之千金
資葛洪之萬卷莫不明析蟲翼細察蚊睫著解顧理腦
之效顯滌胃瀉腸之能洵可以壽諸棗梨觀其草木焉
今夫秘術不宜者庸醫之窄量也著書行世者良醫之
苦心也設或篋藏內典枕貯靈樞竊巫彭之製而號爲
已能抱岐伯之書而矜爲獨得則春風已歇蘭草孤芳

抱朴虛傳簡文空勸竟沒飛仙之跡難言妙道之公乃
先生則玉字親編金鍼暗度潛消診鑿廣被太和其心
可不謂美哉其利於是乎溥矣

長春

少有痼疾長習微

痾藥性粗諳方書漸熟命含毫而撰序遂濡筆而成章
嗟拙陋之無文恐揄揚之未善神君活我醫者原存割
股之心賢士知余狂夫難療看花之癖

道光辛卯九月既望愚姪烏程陸長春辦香氏謹撰

余奉

命視學江左按臨蘇屬蘇屬人文淵藪校士

之暇留心博訪震澤吳生金壽以所纂三家醫案請序

於余三家者葉天士薛生白繆宜亭三先生也三先生

皆吳中往哲素聞其治病之神如磁引鍼如鼓應桴今

閱其方案靈機活潑議論精醇誠非學有根源不克臻

此超詣然非吳生拾遺補缺彙萃成編則當日斟酌

古殊途同歸之理何由觀其會通余故心折三先生而

并以此多吳生也吳生博學好古工詩善六法兼通醫

理爲吳郡張容庭入室弟子容庭者繼三家而起者也
生於醫固無俟於余言而余竊有一言爲生進者蓋醫
之道下流爲藝上通於儒軒岐以來內經素問尙采而
後賢輩出代有成書要其旨虛實以質異情性以因
風氣以變生所謂窮陰陽升降之微悉運會轉移之故
五行盡其變五上異其宜實足與天地權生息之機爲
國家培太平之本醫之學不亦大哉余望吳生能近守
師承遠宗前哲功深養到實至名歸有以傳三先生之



書必有以傳三先生之學則此集其嚆矢焉耳故於諸
序也書以勗之并囑其持示容庭其不以使者之言爲
河漢否

道光紀元歲次辛巳十月旣望

賜進士及第

誥授光祿大夫 南書房行走戶部左侍郎提督江蘇
全省學政加三級歸安姚文田撰



北京中醫藥大學圖書館版權所得

例言

三家醫案藏篋有年校刊醫效秘傳竣事同人以
函書如豐城寶物必合延津愆患合刻緣重爲補
訂命門人凌又新姪右匡校正以應同人之命並
略繫例言如左

醫案與醫書以同實異書則示人以規矩故宜分
門別類使後學有一定之準繩案則因症用法寓
法于症無一定之體存之者欲人知治症之常變

處劑之權宜一症有一症之治法一方有一方之運用不致泥古不化以佐書之不逮既無定體又煩類別故隨選隨錄之況案中病情雜見者類本難條分縷析也

葉氏方案散播人間者不少然所存俱當時門診爲多余搜羅二十餘年不下八九百案惟禊湖毛氏邱氏本皆係及門彙存赴診之案案中議論超邁立法精到尤足啓迪後人故採取獨多於他本



薛案余所得郡中朱氏抄存本外散見者落落晨
星如定武蘭亭不少概見惟余同里沈子蓮溪
手抄本較朱本多十分之四亟爲登入然終恨存
方不多倘同志君子另有藏本尙希郵寄補刊以
廣其傳幸甚

繆案乃業師張友樵先生手錄繆氏專于調補善
用異類有情之品療治虛勞雜症頭頭是道實補
前哲所未發故合纂行世

是書所錄僅三家之寸鱗片爪耳而回春妙手已
見一斑誠卽此觸類而引伸之于斯道未必無小
補云

續刊書五種西洋利西泰人身說概鹽管斐

言醫平湖陸秋山瘟疫新編暨拙著語冰漫錄閱

歷知非俱已彙稿嗣出

道光辛卯秋八月望日笠澤吳金壽子音氏識



北京中医药大学图书馆版权所有

三家醫案合刻

葉桂天士著

後學吳金壽子音集

粵東地卑多濕陽氣多泄宦遊十載恰已五旬中年
烝不及壯盛堅固眩暈汗出乃陽不潛藏變化內風擾
動虛靈所致內經藏象謂腎爲根本左右有二蓋一陰
一陽互相交紐水中有火爲生生化育惟藏蓄不露斯
永年無病而肝爲腎子母氣既衰水不生木肝屬風藏
內風乘龍雷相火迅速飛騰陡升莫制每慮仆中之累

是皆內因之症自述熱起脊背直至巔頂清之補之無
效未究藏陰內乏陽氣陽升之旨古人以腎藏內寓真
陽非溫不納肝藏內寄相火非清不寧用藥之法擬實
精氣以固其下佐鹹味以達之兼氣重以鎮之介類以
潛之酸味以收之複入滋清以涼肝引之導之浮陽內
風勿令鼓動

熟地

北五味子

萸肉

磁石

青鹽

瑣陽

龜板

茯神

湘蓮

天門冬

猪脊筋搗爛和蜜丸熱酒送

經漏百口淋帶不止是衝任腎帶奇經諸脈不能固攝

病在下焦脈左關沈微而緩右部虛浮陽升於上陰虧

於下然先以血凝成塊決非血熱妄行況食減味少胃

氣孱憊補中益氣僅升脾營焉得藥到病所滋陰堵塞

沈膩與胃衰少數相背考古崩漏不止先用局方震靈

丹直達衝任以固之繼用人參湯續其生氣得效再爲



南京中医药大学图书馆版权所有

進商

震靈丹

診脈百至數促而扎勞損數年不復寒熱大汗泄瀉
及半載臥枕嗽甚起坐少緩穀食大減大便不實由下
焦損傷衝脈之氣震動諸脈皆逆醫投清熱理肺降氣
消痰益令胃氣戕害昔越人有下損過脾不治之訓此
寒熱汗出二氣不交所致秋半之氣不應天氣肅降乖
離已見一班生陽不發入冬可慮急因散越之陽望其



寒熱汗出稍緩再商

救逆湯去白朮加人參

穉年純陽體質熱症最多病偏右胸高呼氣不利肺氣不能清肅熱鬱內蒸逆傳膈中致天君震動狀若癰症夫肺主衛心主營二氣循環於肺胃脈中苟營衛失和越日觸遇乃發翁仲仁謂扶壯擡胸爲肺熱壅塞然不及周歲未受穀食涵養藏府柔薄一切苦寒沈降及膩滯陰藥俱在禁例且肺位最高逆行心胞絡間仍從上